



Broj: 04-14-27935-10/18
Sarajevo, 01.10.2018.godine

Na osnovu člana 70. stav (1), (3) i (6) Zakona o javnim nabavkama („Sl. glasnik BiH“ broj:39/14), te Preporuke Komisije u postupku javne nabavke pod nazivom „Izgradnja i opremanje tramvajskih stajališta za kontrolisanu naplatu karata i uvođenje elektronskog sistema naplate“ br: 04-14-14691-9/18 od 01.10.2018.godine, Ministar saobraćaja Kantona Sarajevo d o n o s i:

O D L U K U **o izboru najpovoljnijeg ponuđača**

Član 1.

Prihvata se Preporuka Komisije za nabavku u postupku javne nabavke: Izgradnja i opremanje tramvajskih stajališta za kontrolisanu naplatu karata i uvođenje elektronskog sistema naplate“, te ugovor dodjeljuje ponuđaču Konzorcij BS Telecom Solutions d.o.o. Sarajevo i Euro-asfalt d.o.o. Sarajevo prema dostavljenoj ponudi br: 04-14-31023 od 30.08.2018. godine u ukupnoj vrijednosti od **12.164.330,38 KM sa PDV-om.**

Član 2.

Prijedlog Ugovora dostavit će se na potpis izabranom ponuđaču po isteku roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude. Izabrani ponuđač je dužan dostaviti dokaze o kvalificiranosti u roku od 5 (pet) dana, nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa protekom žalbenog roka i u skladu sa tenderskom dokumentacijom.

U slučaju da izabrani ponuđač propusti da dostavi dokaze o kvalificiranosti u navedenom roku, ili dostavi neprihvatljive dokaze ova Odluka će se poništiti.

Član 3.

Ova Odluka objavit će se na web stranici ugovornog organa [www:http:ms.ks.gov.ba](http://ms.ks.gov.ba) istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 04-14-27935-1/18 od 16.07.2018. godine – „Izgradnja i opremanje tramvajskih stajališta za kontrolisanu naplatu karata i uvođenje elektronskog sistema naplate“. Javna nabavka je provedena putem postupka: Otvoreni postupak sa međunarodnom objavom. Vrijednost javne nabavke bez PDV-a iznosi 10.500.000,00 KM. Za predmetnu nabavku objavljeno je obavještenje o nabavci na portalu javnih nabavki pod brojem 1242-1-3-15-3-20/18 dana 16.07.2018. godine. Rok za dostavu ponuda bio je 30.08.2018. godine do 10,00 h.



Za navedenu nabavku u predviđenom roku i uredno zatvorenim kovertama, dostavljena je ponuda ponuđača:

- Konzorcij BS Telecom Solutions d.o.o. Sarajevo i Euro- asfalt d.o.o. Sarajevo

U skladu sa Odlukom o pokretanju postupka, Komisija za javnu nabavku, formirana Rješenjem o imenovanju broj: 04-14-27935-2/18 od 16.07.2018.godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa. Zapisnik o pregledu i ocjeni ponuda broj: 04-14-27935-9/18 od 01.10.2018. godine čini sastavni dio ove odluke i u istom je utvrđeno slijedeće:

- da je pristigla jedna ponuda te da je ista blagovremena, i
- da nema neblagovremeno zaprimljenih ponuda
- da je ponuđač Konzorcij BS Telecom Solutions d.o.o. Sarajevo i Euro- asfalt d.o.o. Sarajevo dostavio ponudu koja je u okviru procijenjene vrijednosti javne nabavke, te da ista ispunjava formalno-pravne uslove za učešće, kao i tehničke karakteristike i druge uslove propisane od strane ugovornog organa.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda sa svim priložima, u kojem je utvrđeno da je ponuđač Konzorcij BS Telecom Solutions d.o.o. i Euro-asfalt d.o.o.u predmetnom postupku javne nabavke, dostavio prihvatljivu ponudu u skladu sa tenderskom dokumentacijom, u ukupnom iznosu od **10.396.863,57 KM** (bez PDV-a), a **12.164.330,38 KM** (sa PDV-om) za ukupno izvođenje radova na izgradnji i opremanju tramvajskih stajališta za kontrolisanu naplatu karata i uvođenje elektronskog sistema naplate, kao i u skladu sa dodatnim zahtjevima koji su dio predmetne tenderske dokumentacije.

Pouka o pravnom lijeku: Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredbi Zakona o javnim nabavkama ima pravo priložiti žalbu u pisanoj formi u roku od **10 (deset) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Ministarstvo saobraćaja Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 10.000,00 KM, u skladu sa članom 108. stav 1. tačka g) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



Dostaviti:

1. BS Telecom Solutions d.o.o. Sarajevo
Ul. Branilaca Sarajeva br.20, 71000 Sarajevo
2. Ministarstvo saobraćaja Kantona Sarajevo
3. evidenciji
4. a/a



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

